

Directora di fundacion Bon Nochi Drumí Dushi Olga Buckley:

“Nos a wordo invita pa presenta e proyecto na hopi otro isla”

ORANJESTAD – Den un entrevista cu algun integrante di directiva di e Fundacion Bon Nochi Drumí Dushi (FBNDD), Presidente Olga Buckley y assistent Angele Mac – Jannet a conta Bon Dia Aruba tocante e fundacion y con hopi otro isla a cera conoci cu nan proyecto y te hasta tuma esaki over.

Sra. Buckley ta conta cu e concepto di e fundacion, cual ta enfoca riba lesa pa placer y no deber. A wordo presenta na hopi otro pais como entre otro Surinam y Orlando. Bonaire a



invita e fundacion pa bin dilanti y papia tocante nan concepto y tuma esaki over completa-

mente, pero a cambia e nomber un poco.

E cuminsamento

“E ta un idea cu semper mi tabata cana cu ne” Sra. Buckley a contesta ora Bon Dia Aruba a puntra con e fundacion a cuminsa. E idea ta pa hiba e placer di lesamento cas cerca e mucha, pa asina ta mas cerca di e mayornan y por splica nan e beneficio di lesa y con e por lesa cu e mucha sin cu esaki bira un trabou of un problema. Segun sra. Buckley hopi biah mayornan ta pensa cu lesamento cu mucha ta algo sumamente difícil of cu nan no por haci esaki manera juffrouwan di scol ta hacie.

Hopi aña pasa, sra. Buckley a sigui studio di Papiamentu pero e no a haci e thesis. Despues di tempo el a dicidi di haci esaki con cu bay bin, cu e meta di adkiri suficiente informacion por lansa su proyecto y duna esaki un oportunidad pa sobrevivir, mirando cu proyecto tin un base hopi solido. Asina el a acerca un amiga y el a bis'e kico e ta pensa di acerca algun famia y puntra nan kico nan ta pensa di e idea di lesamento na cas. Pa asina por evalua con pueblo



lo tuma esaki. E famianan tabata hopi entusiasma y ora nan a mira e reaccion, di con contento e muchanan tabata bira. El a hinca esaki den e thesis di e estudio cu tur su elementonan y asina cuminsa e cu esaki. E fundacion ta den su di 8 aña di existencia den su totalidad, pero den 2008 a cuminsa cu un grupo mas grandi di boluntario haciendo bishitanan na cas y lesa pa mucha.

Lesamento den comunidad

Bon Dia Aruba a puntra sra. Buckley kico e ta pensa di lesamento den comunidad. E ta conta cu e ta pensa cu e la cuminsa cana, pero ainda tin yen cos cu por mehora. Tin hopi cos cu ta hunga un rol, como cu ainda no tin e clima ni e cultura ta uno di lesamento. “Mi ta kere tin mas atencion awo, si mi wak den 7 aña cu tur e actividadnan cu nos mes como fundacion a crea y tambe biblioteca cu siman di buki, etc. Mas y mas instancia cu ta pone atencion riba lesamento como un herment indispensable pa desaroyo di un comunidad. Mi tin cu bisa cu e ta riba bon caminda”. Sra. Mac- Jannet a agrega cu tin hopi mama den comunidad tambe cu ta interesa den lesa cu nan yunan, pocopoco nan mes ta bay riba internet y wak kico nan por haci cu nan

yiunan.

Parti difícil

Segun sra. Buckley, e parti cu e la kere lo ta mas difícil di



lansa e proyecto, tabata adkiri boluntario pa haci e bishitanan na cas. “Pasobra bo kier gara un grupo basta grandi, si bo kier haci bishita na cas bo mester hende cu tin tempo. Den tur proyecto tin temponan caminda cosnan ta varia. Tin ora tin hopi boluntario, despues tin mas poco” sra. Buckley a comenta. E idea tabata pa parti foyeto na scolnan y asina logra yega na muchanan di 4 pa 8 aña. Cu un meta specifico. Pero den e proyecto mes tabata skirbi e diversidad pa hisa e edad. Sra. Mac- Jannet a agrega cu y aworaki e ta bay te cu klas 6 di scol basico. Nan ta haya petition te hasta di e maestro di EPB pa asina nan bin tambe, pero esey no ta asina

BETICODAY CELEBRATION

ATTRACTIVE CASH PRIZES - 10X THE POINTS FROM 3:00PM TILL 4:00PM
NEW SLOT MACHINES

It's pointless to play anywhere else!

Continuacion
di pagina 12

leu. Segun sra. Mac – Jannet ultimamente ta drentando peticionnan pa muchanan te hasta mas jong. Tin mamanan cu tin yunan di 1 of 2 aña, kier pa nan bin lesa pa nan yiu pasobra nan ta consciente di e beneficiacion di lesamento.

Beneficianan psicologico

Psicologo Adaline Rasmijn, di Psychological center, tabata presente durante entrevista. El a splica Bon Dia Aruba cu lesa desde trempan pa un mucha tin sumamente hopi beneficio psicologicamente. Un di e beneficiacion aki, ta e laso cu ta wordo crea entre e mucha y su mayor, cual ta pone e mucha sinti sigur y calmo. E ta hopi bon tambe



pa e vocabulario di e muchanan. Segun sra. Rasmijn tin un estudio haci cu a studia muchanan di 8 luna. Nan a lesa pa nan 10 siman largo, na final esunnan cu a wordo lesa pa nan, nan vocabulario a expande cu 40% mientras cu e muchanan cu nan no a lesa na nan a subi solamente cu 6%.

E ta yuda tambe cu e nivel di concentracion di un mucha. Nan ta siña pone atencion na e storia y sigui esaki. Otro estudio haci, segun sra. Rasmijn ta conta cu lesamento ta hisa e muchanan nan IQ cu mas cu 6 punto ora nan cuminsa lesa desde chikito. Tambe e ta yuda muchanan siña tocante empatia pa otro ser humano, ya cu nan ta siña pone nan mes den storianan cu nan ta lesa. “Lesamento ta un efecto cu ta sigui, ora muchanan ta lesa, nan ta keda cu gana di keda sa mas”



Sra. Rasmijn ta comenta.

Les a Papiamento

E meta primordial di e fundacion ta pa lesa pa e muchanan na Papiamento. Aunke den algun casnan ta haci excepcion, ya cu por ta e mayornan no ta comprende y ta papia otro idioma. E enfoko principal ta pa logra cu e mayor lesa cu su yiu ora e boluntario bay. E boluntarianan no ta bay cas pa “babysit” of siña e mucha con pa lesa. E ta pa crea laso-

nan entre e mayornan y nan yiu pa medio di lesamento. “Na cuminsamento nos a observa hopi, pasobra mayornan ta kere cu e boluntarianan ta bin pa yuda nan yunan hisa nan nivel di lesamento. Nos ta hopi cla den esey. E mayornan ta kere cu si muchanan lesa na Hulandes so nan lo desaroya, pero si e mucha lesa den e idioma cu emocionalmente e ta identifica su mes cu ne. Mas e ta disfruta di e beneficiacion psicologico di lesa” sra. Buckley ta bisa. □

Reina Beatrix

ARUBA AIRPORT AUTHORITY N.V.

Pabien Aruba

Natalicio di nos Libertador
Betico Croes

in cooperation with Schiphol International B.V.

Agenda pa weekend

Actividadnan relaciona cu carnaval
Diasabra 24 di januari lo tin e gran festival di Tumba den Piedraplat Entertainment Center.
Actividadnan relaciona cu celebracion dia di Betico

Programa Protocolar na Plaza Betico Croes 5pm - 6pm.

Manifestacion Cultural na Plaza Betico Croes
6:30pm - 9:00pm.

Family Day na Centro di barío Savaneta 9am.

Torneo di Pesca na Bucuti Yacht Club 5am - 4pm.

Dia Publico na Museo Arqueologico 10am - 2pm.

Weganan Popular na Plaza Kas Ariba Sta Cruz
12n - 7:30pm.

Expo, Manifestacion Cultural y Feria na Plaza Status
Aparte (Cas di Mayornan di Betico) 7am - 7pm.

Arte, Musica, Cuminda, Artesania na Dominicanessen-
straat 34, Oranjestad (Ex-MAO) 10am - 2pm.

Bike Tour den Diferente cayanan den Oranjestad
y vecindario 9am.

Dia Publico na Scol pa polis na Lago Heights
10am - 5pm.

Celebrate betico's day with us

Food dollars
become guilders

THIS Saturday 24th & Sunday 25th Jan 2015

For lunch time we do offer real authentic Aruban Food.
Lunch prices are below \$12. = P.P see our menu at
www.arubabluelobster.com PHONE: 586 3843 OR 739 1383